



高唐然乘堂輿識隨筆目錄卷之九



應龍

燭龍

斑龍

龍門

尺木

墳羊

脉望

鞞通

天牛蟲

金蠶

青蚨

相思子

羞鳥

射石沒羽

郭索 伊尾

兔髓

矢魚

告天子

正

生水

白題 滑國

物類有知

物性相制

馮汭二水

高唐然乘堂輿識隨筆目錄卷之九

園水

齊肺碎酒

鼓篋遜業

九數

十數

勑

績

叶音

正謬

三換韻

詩例變體

軒轅十二次

金根石

鼠然石

夜合石

望夫石

羸

泚桴

軻輅

石燕

石龍

石鯨

石言

石行

石飛

天田

藉田

因壘

摩壘

檻

廢

誤髀

論

誠

諉

廡 螭

蘿芳

齒載

當璧

向辰

齋車

齋冠

檀案

天宗

三詔

二王助祭

鼓

五冕

麻冕

玄冠

通天冠

竹皮冠

進賢冠

惠文冠

高唐賦乘堂輿識隨筆目錄卷之九終
鵝鷄冠

皮弁

韋弁

幅巾

研光帽

冒絮

懸鉞倒莖

玉筋金錯

鶴頭蚊脚

虎爪偃波

屈玉垂金

美樅

傳延年

佩魚 佩龜

信天公

龍蹲

高唐賦乘堂輿識隨筆目錄卷之九終

高唐賦乘堂輿識隨筆卷之九

四明楊德周孚先父訂

男秉錡校

應龍

應龍處南極殺蚩尤與夸父不得復上應龍遂在地
下下數旱旱而為應龍狀乃得大雨氣應所感也見
海昔蚩尤禦黃帝帝令應龍攻于冀之野女媧之時
乘畜車服應龍禹治水有應龍以尾畫地即水衡

獨龍

高唐賦乘堂輿識隨筆卷之九

長樂
振聲
五

東方朔謂帝曰臣遊北極至鍾火之山日月所不照
有龍銜燭以照山之四極見述異記○鍾山之神名曰燭
陰燭龍也是燭九陰因名云視為晝暝為夜吹為冬呼為夏不飲
不食不息息為風身長千里在無脊契之東其為物
人面蛇身赤色居鍾山下見海經○郭璞贊曰天缺四
土龍銜火精氣為寒暑眼作昏明身長千里可謂至
靈天不足西北無陰陽消息故有龍銜火精以照天
門也

斑龍

王母乘芝雲之輦又駕九色之斑龍見漢武內傳

龍門

河津一名龍門大魚集門下數千不得上上者為龍
不上者魚故云曝顯龍門見辛氏三秦記

尺木

龍欲騰翥先階尺木今且署茲為門下督須軍還當
更議見趙擘獻帝春秋○龍頭上有一物如博山形名尺木
龍無尺木不能升天

墳羊

高唐魚乘堂與載道筆卷之九

家語季桓子穿井而獲土缶中有羊焉使人問仲尼對曰木石之怪曰夔魍魎水之怪曰龍罔象土之怪曰墳羊○韓詩外傳墳羊土精也

脉望

何諷于書中得一髮捲規四寸許如環而無端用力絕之兩端滴水方士曰此名脉望蠹魚三食神僊字則化為此夜持向天從規中望星星立降可求丹度世也見酉陽雜俎

鞠通

賈子說林云孫鳳有一琴名吐綬有人唱曲則琴絃自相屬和因改名曰自鳴琴背有一孔若蛙者一日有道上乞食因見曰此中有蛙不除之則將速朽袖中出一小竹筒倒黑藥少許孔側即有一綠色蟲走出蟲背隱隱有金線文道人納蟲竹筒中竟去自後唱曲琴絃不復鳴矣鳳怪之有博物者曰此異寶也謂之鞠通有耳聾人置耳邊少時即愈喜食枯桐尤愛古墨鳳始悟道人黑藥即古墨屑也

天牛蟲

高唐魚乘定興載續集卷之九

天牛蟲黑甲蟲也長安夏中此蟲或出于籬壁間必
兩段成式
度驗之皆應
見酉陽雜俎

金蠶

杰公嘗與諸儒語云扶桑之蠶長七尺圍七寸色如
金四時不死五月八日嘔黃絲布千條枝而不為繭
燒扶桑木灰汗煮之其絲堅韌四絲為係足勝一鈞
蠶卵大如燕雀卵產于扶桑下齋卵至高句麗國蠶
變小如中國蠶耳
見梁四公記

青蚨

南方有蟲名蠖數蝸愚一名蜎賊蠋一名魚伯又名
青蚨形如蟬而稍大味辛美可食生子必依草葉大
如蠶子取其子母即飛來不以遠近雖潛取其子母
必知處以母血塗錢八十一文以子血塗錢八十一
文每市物或先用母錢或先用子錢皆復飛歸輪轉
無已淮南術以之還錢名曰青蚨若買金銀珍寶即
錢不還
見搜神記

相思子

相思子生南海中如螺而寔大比豈辦入醋能移動

高唐魚乘堂與藏遺筆卷之九

盤旋不已

羞鳥

大戴禮夏小正八月丹鳥羞白鳥丹鳥者謂丹良也
也白鳥者謂致納也其謂之鳥者重其養者也凡有
翼者為鳥羞也者進也不盡食也

射石沒羽

周李遠字萬歲都督義州嘗出獵莎柵於叢薄中見
石以為伏兔也射之鏃八寸許迫視之乃石文帝聞
而異之賜書曰昔李將軍射石沒羽公今復爾可謂

世載其德

郭索 伊尼

山谷詩照灘行郭索焚野得伊尼伊尼鹿名梵語也

郭索蟹名

兔臚

兔臚俗說臘正祖之日食得兔臚者名之曰幸賞以
寒酒幸者令人吉利按奉法峻故民食兔臚以為嘉
瑞全已之臚也所以有賞耳
見風俗通

矢魚

高唐魚乘堂與歲隨筆卷之九

左傳魯侯矢魚于棠非禮也注矢陳也陳捕魚之器

告天子

告天子褐色似鷄而小海上叢草中多有之黎明時

遇天晴霽且飛且鳴直上雲端其聲連綿不已一云

叫天子

正

正即鷓鴣鳥眼明千里最知機者小而飛疾極難射故

畫于布侯中以為射之的

生水

兵當飲生水無飲死水所謂生水常流者冬夏有水

不涸也死水不流夏有冬竭也

見太公兵法

白題 滑國

梁裴子野博極群書仕至著作郎時西北徼外有白

題及滑國遣使入貢二國歷代弗通人莫知所出子

野曰漢書頽陰侯斬胡白題將一入服虔注云白題

胡名也又漢定遠侯擊虜入滑從之入服其博識

物類有知

羔狐三德蟬鷄五德鷓鴣知天時鷓鴣知風雲駝知泉脉

高唐賦
獼知水潦猩猩知往構杙知來蜂衙應潮鵲巢背歲
蛇盤向壬狐潛上伏燕避戊巳蝠忌庚申狐狼知孤
虛虎豹識衝破猫見寅入而食子麈逢入日而過街
蛇曉方藥鳩善禁呪虎食青泥而解箭藥雉擦地黃
以去鷹傷鳳之所在鳥必飛以從虎之所在麋必鳴
以告鹿比其鹿而環角外向以自防牛衛其犢而環
首外觸以敵虎鷲伏隨日朝東暮西或曰鷲睨目伏
卯則向月取氣煦卵雁性隨陽秋賓南而春北鵲立
順風而東向鷓乘逆風而退飛為朝鳴而大風鳩夕

鳴而小雨雀銜艾以爭燕巢龜擦茅以解蜂螫鶴擇
礮石繞卵以助煖營小池養魚以飼鷄青鷗行避草
木恐觸其喙翟雉高避霜雪而惜其毛黃蜂綴窠于
屋而銜漆以固其帶桃蟲巢于葦苔而繫髮紮之以
麻鴛画印開穴以出蠹而鼠竊之鳩步罡轉石以出
蛇而鸛如之鶴水鳥夜半水位故知夜半鷄異象日
將臨巽故鳴五更鮒魚胃網而不動護其鱗也蚺蛇
自見金瘡明已無膽也

物性相制

高唐賦
人氣粉犀戎鹽累卵翡翠屑金雉糞枯銀蟾肪劈玉
鴟血昏金猊溺消鐵龜溺分石蟹性解漆獺膽分卮
獾糞為刀可以切玉龜脂得火可以燃鐵水銀去蟲
犀角駭雞膈肺臍犬生玳瑁甲辟蠱毒猴皮辟馬疫
塵尾辟塵蠹而留紅犀角辟寒而解毒素秦人懸蟹以
辟瘡南人帶蠓龜之尾以辟蛇鰻魚之烟熏蚊蚋為
水竹鷄之聲化白蟻為水火鼠之毛三寸為布而火
浣不焚冰蚕之絲五色為衣而入水不濡鳳嘴煎膠
續絃勝舊善苑之蟹百足四螯其為膠也擬之鸞馬

火龜游焰飛鼯食煙火鷄食火風生獸積薪而不燃
鴉鳥啄樹而出火獨斗如犬食火而遺燬却火如雀
處火而散焰石脾入水則乾出水便溼獨活有風不
動無風自搖南倭海灘蚌蛛著色晝隱夜顯沃山石
滴水著色晝顯夜隱風母如猿打殺遇風即活

媯汭二水

媯汭二水在蒲州堯山下為鼈降二女之所○郡國
志南流者曰媯北流者曰汭異源同歸渾流西注而
入于河

高唐賦... 圓水

圓水在安塞縣即塞水門一名無定河○唐詩可憐無定河邊骨猶是香閨夢裡身圓音銀

嘑肺啐酒

禮卿飲酒嘑肺嘗禮也啐酒成禮也鄭注云非專為飲食言主於相敬以禮也嘑肺于席中啐酒于席末也

鼓篋遜業

禮學記入學鼓篋遜其業也鄭注云鼓篋擊鼓警衆

乃發篋出所治經業也遜猶恭順也

九數

淮南子何謂九數數澤也越之具區在吳越之間楚之

雲夢在南郡華容秦之陽紆在馮翊池陽晉之大陸

魏獻子所遊即巴丘湖鄭之圃田在今河南宋之孟諸在梁國睢

焚馬而死者齊之海隅趙之鉅鹿今鉅鹿燕之昭余今太原○

八數為圃師古注有魯之大野無趙之鉅鹿燕之昭

余餘七者同

十數

高唐賦... 卷之九

爾雅魯有大埜今高平鉅野縣晉有大陸今鉅鹿北

也秦有陽降迂○今在扶風開縣宋有孟諸楚有雲夢吳越

之間有具區今吳縣南大湖湖南有海隅海濱廣斥燕有昭

余祁今太原鄆陵縣鄭有圃田今滎陽中牟縣周有

焦獲縣今扶風池陽大明一統志崔獲藪在陝西西安

府涇陽縣亦名瓠口○詩獫狁匪茹整居焦獲

藪

藪音灼職畧切白藪縞也顏氏家訓曰世有入名藪

自稱為獯非惟音韻舛錯亦使其兒孫避諱紛紜矣

績

績留耕切屈也禮玉藻齊則績結佩謂佩王者遇齊

則結其綬而屈上之也○又縈也史楚世家績繳蘭

臺○又與茜同染赤之草也左傳績筏即今紅旗蓋

取染赤之草為名也

叶音

楊用修曰肅肅兔且椽之丁丁赴赴武夫公侯干城

○且與夫叶丁與城叶此隔句用韻叶音之變例也

與魚麗之詩留與酒叶魴與多叶例同朱文公曰隔

句用韻人罕知之韓文公張徹墓銘用此法

正謬

揚用修曰彼茁者葭壹發五豝于嗟乎騶虞舊叶音牙○

彼茁者蓬壹發五縱于嗟乎騶虞舊叶音牙○

也此詩一音牙一叶五紅詩有二章而叶音二變使

詩五六章尾句同亦五六變乎不知古詩有屢章而

尾句同者多不叶如黍離桑中椒聊文王黍離哉之類

也此猶為遠即以麟趾之詩例之麟趾者騶虞之對

也麟趾三章結句皆曰于嗟麟兮騶虞二章結句皆

曰于嗟乎騶虞麟趾三章趾與子定與姓角與族為

韻騶虞二章葭與豝蓬與縱為韻其例同也即據才

老之說虞之一字既音牙以叶豝又音烘以叶縱則

麟趾首章當音鹿以叶子二章當音瞪以叶姓三章

當音鹿以叶族矣麟趾既不叶則騶虞結句何獨叶

乎此其紕繆之極者故不容不詳辨之

三換韻

揚用修曰小戎伐收五檠梁輶游環脇驅暗陰鞞塗

續音緒文茵暢轂駕我騏驎音言念君子溫其如玉音裕

在其板屋亂我心曲○此詩舊叶非今細味之數四當作三換韻乃得其讀收斂為一韻驅續弔王為一韻屋曲為一韻讀詩至此可以解頤矣

詩例變體

揚用修曰有杖之杜有皖其實王事靡盬繼嗣我日日月陽止女心傷止征夫皇止○有杖之杜其葉萋萋王事靡盬我心傷悲卉水萋止女心悲止征夫歸止○陟彼北山言采其杞王事靡盬憂我父母檀車憚憚音四壯瘡瘡音管征夫不遠○匪載匪來叶六切憂

心孔疚期逝不至

叶朱切

而多為恤卜筮皆

叶舉切

止會

言近

叶渠切

止征夫適止○此詩四章章七句首章尾

三句陽傷皇為韻次章萋悲歸為韻三章憚瘡遠為韻末章皆近適為韻又皆三句此諸詩例既異而體裁亦奇矣

軒轅十二次

自天地設闢未有經界之制三皇尚矣諸子稱神農之王天下也地東西九十萬里南北八十五萬里及黃帝受命始作舟車濟不通乃推分星次以定律度

自斗十一度至婺女七度一名須女曰星紀之次于

辰在丑謂之赤奮若于律為黃鍾斗建在子今吳越

分埜釋名吳虞也太伯讓位而不就歸封之于此自

婺女八度至危十六度曰玄枵之次一名天竈于辰

在子謂之困敦于律為大呂斗建在丑今齊分埜釋

齊齊也地在渤海自危十七度至奎四度曰豕韋之

次一名娵訾于辰在亥謂之大淵獻于律為太簇斗

建在寅今衛分埜釋名衛衛也既滅殷立武庚自奎

五度至胃六度曰降婁之次于辰在戌謂之閭戍于

律為夾鍾斗建在卯今魯分埜釋名魯魯鈍也國多

自胃七度至畢十一度曰大梁之次于辰在酉謂之

作噩于律為姑洗斗建在辰今趙分埜釋名趙朝也

于大自畢十三度至東井十五度曰寔沈之次于辰

在申謂之涿灘于律為中呂斗建在巳今晉魏分野

釋名晉進也其土在北有事于中國則進自井十六

度至柳八度曰鶉首之次于辰在未謂之叶洽于律

為蕤賓斗建在午今秦分埜釋名秦津也其地自柳

九度至張十七度曰鶉火之次于辰在午謂之敦牂

高唐縣志卷之九

高唐縣志卷之九

一名大律于律為林鍾斗建在未今周分埜釋名周地在岐

山之南其自張十八度至軫十一度曰鷄尾之次于

辰在巳謂之大荒落于律為夷則斗建在申今楚分

埜釋名楚辛也其地蠻多而入性急數有戰爭相爭相害辛楚之禍也自軫十二度至

氏四度曰壽星之次于辰在辰謂之執徐于律為南

呂斗建在酉今韓鄭分埜釋名鄭町町然也其地多平町町然也自氏五

度至尾九度曰大火之次于辰在卯謂之單闕于律

為無射斗建在戌今宋分埜釋名宋送也地接淮泗而東南傾以為設後若

云澤穢所在送使隨流入東海也自尾十度至斗十度百三十五分

而終曰析木之次于辰在寅謂之攝提格于律為應

鍾斗建在亥今燕分埜釋名燕宛也北方沙漠平廣此地在涿鹿山南宛宛然以

為國都也凡天有十二次日月之所躔也

金根石

石者金之根甲石流精以生水水含木木含火見博物志

鼠然石

鼠塗有然鼠之石見顧凱之

夜合石

夜合石在江西新昌東北洞山寺水口有夜合石高

文餘士人謂二石夜間常合為一

望夫石

望夫石在袁州府分宜相傳唐太守鄭望夫於此修堰溉田後人思之因以名之此與望夫化石另一事

羸

顏氏家訓史之闕文為日久矣加復秦文滅學董卓

焚書典籍錯亂皆由後人所羸非本文也羸辭初限切

音鐘

泝桴

泝編木以渡也从水付芳無切與水為鄰故从付俗

溷桴

軻輅

呂氏春秋天子軻軻啟啟莫不載悅軻亭年切音田

喜悅貌

張平子南都賦提滕相輅輅連也魚倫切又車軸相

連曰輅

石燕

零陵郡有石燕得風雨則飛如真鸞見顧凱之啓蒙記

高唐魚氏室與戲隨卷之九

十五

石龍

石龍在汀州府上杭縣盤亘溪中背有鱗文遇旱鄉人積沙石於其背即雨至水漲蕩去沙石乃已

石鯨

昆明池刻石為鯨魚每至雷雨魚常鳴吼

石言

石言于晉魏榆晉侯問于師曠曰石何故言對曰石不能言或憑馬不然民貽濫也臣聞作事不時怨讟瀆動于人則有非言之山而言今宮室崇侈民力凋

盡怨讟並作莫保百姓石言不亦宜乎

見左傳

石行

慕容皝晃四年棘成里有大石自立而行見前燕錄

石飛

惠帝永康元年十一月戊午朔大風從北來飛石五

六日乃止

見習鑿齒晉陽秋

天田

史漢立靈星祠歲時祠以牛龍左角曰天田即農祥星也晨見而祭之

籍田

禮天子為籍千畝諸侯百畝○說文使民如借故謂之籍

因壘

左傳口十九年文王聞崇德亂而代之軍三旬而不降退修教而復伐之因壘而降攻備不改前為因

摩壘

左傳宣十二年楚許伯曰致師者御靡旌摩壘而還注靡旌驅疾也摩近也

檻

楚辭夕檻洲之宿莽檻采也力敢反一作攬一作擊

廢

楚辭崑落雜於廢蒸廢音鄒擔都監反一作擔荷下可反廢麻黠也蒸竹炬也

謏

莊子謏髀無任謏弦鷄切音謏詬耻辱也又小人怒也韻會謏髀不正貌

論

周書惟截截善論言論蒲眠切音縵與便同巧言也
誠

虞書至誠感神誠胡岳切音鹹和也誠也
諉

太玄事首事在樞不咨不諉喪其哲符諉與詎同

麤 驕

周禮祭祀共麤羸砥麤蒲猛切蚌也長者為麤圓者
為驕

羅芳

方歷德切羅芳香草名字見太玄經

齒載

漢孔光傳犬馬齒載與耄同

當壁

楚共王無冢適有寵子五人乃徧以壁見于群望曰
當壁而拜者神所立也誰敢違之既乃與巴姬密埋
壁于太室之庭使五人齋齋而入拜康王奔之靈王
肘加馬子干子皙皆遠之平王弱抱而入拜皆厭
紐見左傳

向辰

制作孝經道備使七十二弟子向北辰星而磬折孔

子絳單衣向北辰而拜見孝經

齋車

君齋車羔幣虎植士齋車鹿幣豹植見王鄭注云幣

覆冬也植謂緣也君齋車用羔羊皮為幣虎皮飾邊

也

齋冠

玄冠丹組纓諸侯之齋冠也玄冠綦組纓士之齋冠

也見玉藻鄭注云齋時所服也

氈案

周禮掌次職云王大旅上帝掌次張氈案設皇邸○

鄭注云祭天于圓丘張氈案以氈為床于幄中○鄭

司農云以皇羽覆上邸後版也玄謂後版屏風也染

羽象鳳皇羽色以為之

天宗

月令孟冬天子乃祈来年於天宗○注天宗日月星

辰也

三詔

禮記納牲詔于庭血毛詔于室羹定詔于房三詔皆不同位

二王助祭

毛詩振鷺序振鷺二王之後來助祭也○鄭箋云二王夏殷也其後杞宋也白鳥集于西雝之澤言所集得其處也興者喻杞宋之君有潔白之德來助祭于周之廟得禮之宜也

鼓

鼓郭也春分之音萬物郭皮甲而出故謂之鼓从支支象其手擊之○周禮六鼓雷鼓八面靈鼓六面路鼓四面鼗符分切大鼓毆鼓皐鼓晉鼓皆兩面凡鼓之屬皆从鼓徐鍇曰郭者覆冒之意○趙宦光曰曲禮獻米者操壘鼓孔氏解樂浪人呼谷十二石者為鼓从支者非是

五冕

周禮弁師掌王之五冕皆玄冕朱裏冕以板為之廣八寸長一尺玄

表而延紐延即冕之覆而在上者也紐小朱裏延紐鼻也綴于武上四旁以筭貫之五采繅藻

高唐賦... 卷之六

高唐則身堂其諸附筆卷之九

十有二就以五采之延之前後各十有二就也以貫玉而垂皆

五采玉十有二以五采之而垂之每就各十有二就也玉笄朱

紘以玉為笄之兩端而結于頤下王之皮弁會五采

皮弁王祗朝之服會縫也玉笄象邸玉笄即五采玉

其縫中結五采玉為飾象骨飾采內頂上邸謂下抵

麻冕

按三禮圖以漆布為殼以緇縫其上前廣四寸高五

寸後廣四寸高三寸

玄冠

尉繚子天子玄冠玄纓諸侯素冠素纓大夫以下練

冠練纓○纓冠系也凡甸冠弁服以玄冠冪首謂之

冠齋服有玄端即玄冠也用于吉禮

通天冠

蔡邕獨斷天子冠通天冠諸王冠遠遊冠公侯冠進

賢冠皆以簪附之○通天冠金博山蟬謂之金顏見徐

爰釋問

竹皮冠

高祖為亭長以竹皮為冠及貴常服之所謂劉氏冠

高祖為亭長以竹皮為冠及貴常服之所謂劉氏冠

也詔曰爵非公乘以上不得冠劉氏冠漢書應劭曰以竹始生皮作冠今鵲尾冠是也公乘第八爵師古曰竹皮謂筍上所解之籜非竹筠也

進賢冠

進賢冠古緇布冠儒者之服前高七寸後高三寸人主五梁公侯三梁卿大夫尚書中二千石以至博士兩梁大官令兩梁親省御膳為重也博士兩梁崇儒也千石六百石以下至小吏一梁見輿服志今文臣冠即進賢冠也其不用者後高前低耳

惠文冠

晉灼曰漢法冠也一名柱後惠文高五寸以纚離為展簫鍤為柱卷秦制執法服今御史服之又謂之鷹冠○獬廌一角獸觸不直者注纚今之緹方目紗也惠者螽也其冠文輕細如蟬翼故名鉄柱取其不曲撓也○張敞弟武為梁相敞問何以治梁武曰馭黠馬者利其銜策梁國大都吏民凋敞且當以柱後惠文彈治之耳

鷄鷄冠

漢郎中戴鷄峻鷄儀冠即武弁也見通師古曰以鷄

鷄毛羽飾冠鷄鷄鷺鳥也似山鷄而小背毛黃腹下

赤其項綠色其尾毛紅赤光彩鮮明且當心抹於

皮弁

周禮弁師掌王之皮弁視朝皮弁服會五采玉璽象

邱玉笄鄭注璽讀如綦綦結也于弁十二縫中結

五采玉以為飾謂之綦也故詩曰會弁如星謂結五

采玉落落而處狀如星也皮弁與委貌同制長七

寸高四寸山製如覆杯前高廣後卑銳所謂夏之母追

殷之章甫者也行大射禮辟雍公卿諸侯大夫行禮

者冠委貌執事者冠皮弁魏晉以來皮弁有纓

無笄導笄導替也何稠曰此古田服也既以入朝宜變其

制故弁施象牙替又從省之服無佩綬何稠曰此乃

晦朔小朝之服安有人臣謁帝而除去印綬無佩玉

之節乎乃知獸頭小綬及佩一隻

韋弁

周禮凡兵事韋弁服以韋為之周禮有韋○三禮

圖爵弁士助君祭服韋弁王及諸侯兵服也

幅巾

幅巾古賤者之服漢末始為士人之服蓋古庶人服巾士則冠也

研光帽

汝陽王璉戴研光帽打曲明皇自摘槿花置之帽上帽極滑久而放安號曰花奴帽見開元遺事

冒絮

太后以冒絮提文帝見周勃傳師古曰冒覆也老人所以覆其頭提擲也巴蜀異志謂頭上巾為冒絮

懸鍼倒薤

大篆之變為懸鍼為薤葉為柳葉為剪股為鵠頭為

模印紅文

見陳繹曾書法本象

懸鍼書者字必垂畫細末纖直

如懸鍼倒薤書者垂支濃直若薤葉也八體書亦圖

此法或云出後漢扶風曹喜蕭子良以為仙人務光

所作

見王誥文字志

玉筋金錯

小篆之變為玉筋為金錯為繆篆為模印紅文

見書法本

象金錯書八體書法不圖其形或云以銘金石故謂

高唐賦...
之金錯

見文
字志

鶴頭蚊脚

鶴頭蚊脚二書皆漢詔版所用各象形也

見周
越
法書
苑

虎爪偃波

尚書臺徵召用虎爪書告下用偃波書皆不可卒學

以防矯詐

見擊
虞
決
疑
要
注

虎爪書王僧虔作

見文
字志

屈玉垂金

竇泉小篆贊丞相斯法神慮精深釵屈玉鼎足垂金

言其雅麗
見法書苑

美樅

江西道院賦堂密有美樅出爾雅注尸子謂松栢之

鼠不知堂密之有美樅

傅延年

菊一名傅延年

見本
草

朱新仲詩三徑誰從陶靖節重

陽惟有傅延年前未有用者

佩魚 佩龜

佩魚始于唐永徽二年以李為鯉也武后天授元年

改佩龜以玄武為龜也

信天公

攻媿記張武子之語水禽有名信天公者按晁景迂集黃河有信天緣常開口待魚

龍躡

龍躡謂孔子春秋演孔圖孔子坐如龍躡立如牽牛駱賓王云類同心異者龍躡歸而宋樹伐質殊聲合者魚形出而吳石鳴

高唐照乘堂與識隨 卷之九終

高唐照乘堂與識隨筆目錄卷之十

孔子世家 張釋之 聶政

劉蕢 李檮 陸贄

蕪菁 波稜 名田

代田 蜚廉 爰居

的博 蓬婆 石壕

精廬 扶老藤 姚媯

史記疑 洒 波

園丘方澤 順成 蒹蕭

傳險

辛甲

柳轂

禹鏡

公孫發

卞莊子

下生上生

微生高

竈脈

亢鋸之柄

箭磬

臯陶

伯益

伯夷

箕子

江離

歷山

潞川

五行

三章

四皓碑

五屬國

騶虞一

騶虞二

霧

霜

雪

雷

電

電

鄭薰

席豫

脫光

麥光

勿兒

名龜

兩杜子夏

騶牙

茹呼伽

紫驃

頰伽

露陌

如何

三勒漿

琴城

地角天涯

酒令

火鷄

火獠

火杏

太伯 虞仲

季歷

琴

寤生

駿狼

牛首

高唐魚乘室與哉道華月錄卷之二

高唐賦... 卷之十

佻

佻孫

檉

十音

崩

咽胡

璠

小歲

碗令碗

乳酒

火熱

碧琳腴

蘆酒

零醴

恂恂

鯢等

姬娃

滾

滾洪

沿灘

涂塗

檉柳

土牛

黃石

鬪辜

街事

寓禪杓

鵬鳳

崔君苗

礮

關碧

礮石 礮

高唐賦... 卷之十

高唐照乘堂輿識隨筆卷之十

高唐照乘堂輿識隨筆卷之十

四明楊德周孚先父訂

男秉錡校

孔子世家

孔子世家匡人拘孔子益急孔子使者為甯武子臣於衛然後得去致堂胡氏曰穆公未武子之子相已與孫良夫將兵侵齊武子非老則卒矣穆公卒歷定公獻公凡三十七年至靈公三十八年而孔子來使有兩武子則可若猶俞也其年當百有五十六矣何

高唐照乘堂輿識隨筆卷之十

一

高唐州牙堂真蹟隨筆卷之十
子長之疎也

張釋之
張釋之傳事文帝十歲不得調張廷尉事景帝歲餘為淮南王相共氏曰漢百官公卿表文帝即位三年釋之為廷尉至十年書廷尉昌廷尉嘉又二人凡歷十三年景帝乃立而張毆為廷尉則是釋之未嘗十年不調及未嘗以廷尉事景帝也

琴操曰聶政父為韓王治劍不成王殺之時政未生及長入太山遇仙人學鼓琴七年琴成入韓豈韓有兩聶政與

聶政

劉蕢

劉蕢不得仕於朝終於使府御史唐鑑云終於柳州司戶以新史攷之當從唐鑑○宦人深嫉蕢誣以罪貶柳州司戶

李椅

獨孤及福州新學碑銘云閩中無儒家流成公至而俗易

李椅

成公李椅也家有洙泗戶有雒魯

常哀建中初為閩人設鄉

高唐府志卷之十一
校李椅
在其前

陸質

無垢心傳錄誤以王叔父之黨陸質為陸贄考質即
陸淳非贄也

蕪菁

詩釋文艸木疏云葑蕪菁也郭璞云今菘菜也按江
南有葑江北有蔓菁相似而異張文潛詩蕪菁至南
皆變菘菘美在上根不食瑤簪玉筍不可見使我每
食思故國

波稜

唐西域傳末祿有運達泥婆羅獻波稜皆菜名也張
文潛謂波稜自波稜國來

名田

漢董仲舒請限民名田名田占田也各為立限不使
富者過制貧弱之家可足也○武帝時賈人有市籍
及家屬皆無得名田○胡氏曰限田終不能行者以
人主自為蕪并無以使民興於庶也

代田

趙過教民為代田代易也周官大司徒不易一易再
易之地有三等○公羊傳注司空謹別田之高下善
惡分為三品上田一歲一墾中田二歲一墾下田三
歲一墾○左傳晉作爰田晉語云作轅田轅易也漢
地里志秦商君制轅田轅與爰同易也食貨志歲耕種者為
不易上田休一歲者為一易中田休二歲者為再易
下田三歲更耕之自爰其處鹽鐵論御史曰古者制
田百步為畝民井田而耕什而藉一先帝哀憐百姓
之愁苦衣食不足制田二百四十步而一畝率三十

而稅一

蜚廉

史封禪書蜚廉桂觀應劭曰蜚廉神禽能致風氣

爰居

海鳥曰爰居止于魯東門外三日展禽曰今茲海其
有災乎夫廣川之鳥獸常知避其災也是歲也海多
大風見國語按爰居海鳥大如駒

的博蓬婆

少陵和嚴武軍城早秋詩已收滴博雲間戍更奪蓬

高唐縣志卷之十一
婆雪外城的博嶺在維州見韋蓬婆山在柘州見元和

縣志

石壕

石壕吏蓋陝州陝縣石壕鎮也見九域志輿地廣記
本靖縣唐改為硤石熙寧六年省為鎮

精廬

精廬見姜肱傳乃講授之地即劉淑包咸檀敷傳所謂精舍也文選任彦升表用精廬李善注引王阜事五臣謂寺觀謬矣

扶老藤

策扶老以流憩謂扶老藤也見後漢蔡順傳注

姚媯

舜居媯汭其後因姓媯氏左傳正義曰世本舜姓姚氏虞思猶姓姚氏至胡公周乃賜姓為媯謂胡公之前已姓媯妄也

史記疑

三代世表稷契皆為帝嚳之子堯亦帝嚳之子左傳正義曰世族譜取史記之說又從而譏之按鯀則舜

高唐縣志卷之十一
五

高祖而妻其女此史記之可疑者

洒

洒埽之洒滌也从水西埽先禮切俗溷洗為洒凡洒藥曰洒米曰浙衣曰滌彩曰浣帛曰澳垢曰湔器曰滌身曰浴頭曰沐口曰漱面曰須按須是古文後作頰音悔沐也手曰盥足曰濯各有攸當也應宜作灋波

趙宦光曰宋蘓氏怪黃庭堅談字戲之曰波為水之皮滑乃水之骨乎惜黃氏無以應也鱗聲會意本是二法波滑二文皆聲而庭堅既解波為皮意兼聲矣而滑字从水骨于義尤切子瞻曼作惡口不知及代黃難蘓也

園立方澤

宋陳襄郊儀云祀必以冬至日者以陽復也故宮用夾鍾於震之宮以帝出乎震也而謂園鍾者取其形以象天也祭必以夏至日者以陰萌也故宮用林鍾於坤之宮以萬物致養乎坤也而謂函鍾取其容以

象地也

順成

辛不順成順謂五氣時若成謂五穀皆登

病蕭

凡祭灌鬯求諸陰病蕭求諸陽○病而悅切義與藥

同

傳險

使百工營求之野得說於傳險中地理誌傳險即說所隱處窟名○楊用修曰險古巖字聖人窟在今陝

州

辛甲

辛甲為紂太史七十五諫而去其後周人封之著書一篇其事不傳見於漢書藝文志其後代為辛有見左傳

柳穀

周禮注引書曰分命和仲度西曰柳穀虞翻云鄭玄所注古尚書篆卯字反以為昧古大篆卯字讀當為柳古柳卯同字而以為昧裴松之謂翻言為然○宅

西曰昧谷虞翻謂當為柳谷周禮注度西曰柳穀○
魏明帝時張掖柳谷口水溢涌寶石負圖即其地也

禹鍊

宅岨夷釋文云尚書考靈曜及史記作禹鍊今按史
記堯本紀居郁夷正義郁音隅夏本紀禹夷既畧索
隱云今文尚書及帝命驗並作禹鐵古夷薛氏曰今
登州之地

公孫發

衛公孫發注謂公叔文子論語孔注作公孫枝集注

云公孫枝蓋傳寫之誤

卞莊子

卞莊子之勇或問云事見新序按孫子大畧篇齊人
欲伐魯忌卞莊子不敢過卞此可見其有勇也

卞生上生

班固律曆志述劉歆之言以律為下生呂為上生鄭
康成以黃鍾三律為下生以蕤賓三律為上生梁武
帝鍾律緯謂班固夾鍾中呂過於無調鄭康成有升
陽而無降陽陳用之禮書謂自子午以左皆上生子

午以右皆下生以鄭說為是張文饒翼元曰十二月之律以候月六十日之律以候日月律當一下一上依次而生日律當用蕤賓重上生司馬遷劉歆之法月律也呂不韋淮南京房之法日律也

微生高

微生高古古今人表作尾生高蓋即莊子所謂尾生東方朔曰信若尾生然尾生之信非信也

竈觚

莊子逸篇曰仲尼讀春秋老聃踞竈觚而聽竈觚額

也

亢鋸之柄

逸篇曰禮若亢鋸之柄亢舉也禮有所斷剖猶舉鋸之柄以斷物也

箭磬

古文箭磬今文作簫尤氏曰韶箭舜樂名也諸儒誤以簫管解之

皋陶

淮南子曰皋陶瘖而為大理按皋陶陳謨賡歌謂瘖

此猶夔一足之說也司馬公詩云法官由來少和泰
皋陶之面如削瓜荀子非相之說豈盡然耶

伯益

史記秦本紀大費佐舜調馴鳥獸是為栢翳索隱云
尚書謂之伯益而陳杞世家謂伯翳之後封為秦垂
益夔龍其後不知所封不見也則伯翳非伯益矣水
經注偃師九山有百蟲將軍顯靈碑云將軍姓伊氏
諱益字隤訖帝高陽之第二子伯益者也黃度文叔
書說益即隤訖本於此

伯夷

鄭語史伯曰姜伯夷之後也伯夷能禮於神以佐堯
者也注謂四岳之族大戴禮誥志篇虞史伯夷曰明
孟也幽幼也○史記曆書引之而其文小異虞夏之
歷為昔在古歷百草權輿瑞雉無釋為百草奮興秭
規先澤

箕子

司馬彪注莊子云箕子名胥餘

江離

江離史記索隱引吳錄曰臨海海水中生正青似亂
髮廣志為赤葉紅花今芎藭苗曰江離綠葉白花又
不同藥對以為麋蕪一名江離○芎藭藁本江離麋
蕪並相似非是一物也淮南子云亂人者若芎藭與
藁本顏師古曰郭璞云江離似水薺今無識之者然
非麋蕪也藥對誤耳楚辭補注集注皆缺讀詩記董
氏曰古今注謂芎藥可離唐本草可離江離然則芎
藥江離也

歷山見元羅泌
歷山辭

歷山今河東縣之雷首山也與秦華並峙梁史謂在
偃師西北二十五里後魏輿地圖上谷記卜洛城西
南四十里有潘城城西三里亦有歷山齊之歷城南
五里又有歷山康成謂歷山在河東蘇氏演義云歷
山有四今曹濮間有舜秦龍井然歷山何止四哉

灑川

太史公班孟堅謂禹釃二渠以引其河一具丘一灑
川李垂導河書曰東為灑川者乃今泉原赤河北出
具丘者乃今王莽故瀆而漢塞宣房所行二渠蓋獨

漯川其一則漢決之起觀城入蒲臺所謂武河者也
鼃補之河議曰二渠於禹貢無見禹時河入海蓋在
碣石地理志碣石在北平驪城縣西南計勃海北距
碣石五百餘里而河入勃海蓋漢元光三年河徙東
郡所更注也而言禹時河入勃海何哉

五行

五行太禹謨以相克為次洪範以生數為次五德鄒
衍以相勝為義劉向以相生為義

三章

與父老約為句下云法三章耳○唐高祖入京師約
法十二條蓋倣此語而失之

四皓碑

文章緣起有漢惠帝四皓碑今致高士傳高車山上
有四皓碑及祠漢惠帝所立

五屬國

武紀元狩二年秋匈奴昆邪王降置五屬國以處之
注不載五屬國之名表云致之地理志屬國都尉安
定治三年上郡治龜茲天水治勇士五原治蒲澤張

掖治日勒此武帝初置也若金城西河北地屬國置於宣帝時不在五屬國之數

駟虞一

駟虞吾駟牙一物也聲相近而字異解頤詩語既以虞為虞人又謂文王以駟牙名圍蓋惑於異說魯詩傳曰梁鄒天子之田見後漢注與賈誼書同不必以駟牙為證

駟虞二

射義天子以駟虞為節樂官備也鄭康成注云于嗟

乎駟虞嘆仁人也周禮疏引韓魯說駟虞天子掌鳥獸官其說與射義合文選注引琴操曰鄒虞邵國之女所作也古者役不踰時不失嘉會墨子曰成王因先王之樂命曰駟吾豈即詩駟虞歟

霧

霧者百邪之氣為陰冒陽本于地而應于天行視爾雅孫炎注曰天氣下地不應曰霧地氣發天不應曰霧霧謂之晦○霧冒也氣蒙冒覆物也昏暗之時則為妖災明王聖主則為祥瑞

霜

露凝為霜

見月令章句

寒氣凝以為霜從地升也

見五經通義

霜者陰精冬令也四時代謝以霜收殺霜之為言亡

也物以終也

見春秋考異郵

雪

天地積陰溫則為雨寒則為雪

見禮記

大雪者陰之蓄積

甚也

見五行傳

釋名雪綏也水下遇寒而凝綏綏然下也

雷

王者言不從則金不從革而秋多霹靂霹靂金氣也

其音商也故應之以霹靂王者心不能容則稼穡不

成而秋多雷雷者土氣也其音宮也故應之以雷

秋繁露

東方之氣雷南方之氣電

見造化權輿

陰陽相薄感

而為雷激而為電

見穀梁傳

陰氣伏於黃泉陽氣上通於

天陰陽分爭故為雷

見莊子

電

王者視不明則火不炎上而秋多電電者火氣也其

音徵也故應之以電

見春秋繁露

電陰陽激曜也

見說苑

電

凡電皆冬之愆陽夏之伏陰聖人在上無電雖有不
為災傳見左電雨冰也愆陽冬沮也伏陰夏寒也○曾
子曰陽之專氣為電陰之專氣為霰電者氣化益沴
也○釋名霰星也水雪相搏如星而散也

鄭薰

鄭薰傳云宦人用階請蔭子薰却之不肯叙亦庶幾
有守矣文苑英華有薰所撰仇士良神道碑云孰稱
全德其仇公乎其叙甘露之事謂克殲巨孽乃建殊
庸以七松處士而秉此筆乃得佳傳於新史豈作史

者未之攷歟碑云大中五年念功錄舊詔詞臣傳述
不敢虛美以元惡為忠賢猶曰不虛美乎宣宗所褒
表者若此唐之不競有以哉○宣宗召韋澳問內侍
權勢何如對曰陛下威斷非前朝比上閉目搖手曰
尚畏之在士良之立碑其亦畏昏祿之黨歟

席豫

席豫未嘗州書曰細猶不謹而况巨耶然豫為黜陟
使言安祿山公直無私其迷國之罪大矣安在其能
謹哉唐史立傳褒之未有著其罪者何小人之多幸

也○席建侯即豫也唐史避代宗諱稱字孔光黨王莽則不言温室樹不足以為謹席豫黨祿山則未嘗草書不足以為謹

朧光

河圖書有朧光刁梁簡文謝賚善勝刁啓云名均素質神號朧光

麥光

紙曰麥光杜詩麥光鋪几淨無瑕坡詩香雲藹麥光

勿兒

勿兒猶言何貌唐玄宗問黃幡綽是勿兒得人憐對曰自家兒得人憐時楊貴妃號祿山為子肅宗在春宮常危懼上聞幡綽言俯首久之

名龜

記曰能得名龜者家必大富至千萬一曰北斗龜二曰南辰龜三曰五星龜四曰八風龜五曰二十八宿龜六曰日月龜七曰九州龜八曰玉龜八名龜各有文在腹下云云者此某龜也

兩杜子夏

杜欽字子夏好詩書而目偏盲時茂陵杜業與欽同
姓字亦以才著京師人遂謂欽育杜子夏以相別欽
心惡之乃故冠小冠高廣才二寸許由是京師入更
謂欽小冠杜子夏業大冠杜子夏史記
建章宮里櫟中有物出馬其狀如麋群臣莫能知東
方朔曰此騶牙也遠方歸義騶朱先見其齒前後若
一齊筭無牙故謂之無牙一歲所食奴混耶王果將
十萬衆來降

茄呼伽

楊雄蜀都賦盛冬有筍舊菜增加章樵注伽古茄字
茄之為伽舊矣○小菰即茄名也見晉先蠶儀注隱
侯行園詩云寒瓜方卧壘秋菰正滿陂○嶺南茄子
宿根成樹高五六尺號崑崙瓜○本草記廣州有慎
火樹樹大三四圍煥火即景天也

紫驃

肅宗時有告保定太守反者令李泌乘紫驃按之馬
寧遠所獻髮拳紫色狀如八駿早發扶風辰時達保

定申時歸奏事

見廣博物志

頻伽

支道林好馬其最愛者名曰頻伽嘗飲頻伽於橋下

馬渡處忽生蓮花

見吳郡疏

露陌

魏文帝造寶刀曰露陌銘曰於鑠良刀胡鍊亶時譬

諸麟角靡所任茲不逢不若永世寶持利用衛身以

威弗治○釋名曰巨刀曰陌露陌精光注射也

如何

顧凱之啓蒙記曰如何隨刀而改味如何樹名也生

南方大荒中金刀割則若竹刀飴蘆刀辛三百歲作

華三百歲寔食之得仙

三勒漿

唐曲江宴有三勒漿謂訶梨勒庵摩勒烏攬勒也○

鄭畋三勒漿詩卉醴阨花物外香清濃標格勝椒漿

注仙經呼蜜為卉醴

琴城

水經注云楚人謂冢為城六安縣都波中有大塚民

傳民公琴即臯陶塚也○又曰琴城葛陵城之東北
有楚武王家民謂之楚王琴城

地角天涯

賓王疇昔篇曰地角天涯渺難測蓋成都二石名也
天涯石在中興寺耆老傳志曰人坐其上則脚腫不
能行至今人不敢踐履又一在大東門對昭覺寺地
角石廟在羅城內西北角高三尺餘王均之亂為守
城者所壞

酒令

唐皇甫松酒令曰亞其虎膺手掌曲其私根謂指節
以蹲鴟間虎鷹之下蹲鴟大指也以鈎戟差玉柱之
傍鈎頭指玉柱中指也潛虬濶玉柱三分潛虬無名
指也奇兵濶潛虬一寸奇兵小指也死其三洛謂彈
其腕也生其五峯通呼五指也謂之招手令

火鷄 火獠

殷浩北代羗姚襄結營逼浩浩令長史江道擊之道
至襄營取數百鷄以長繩連之繫火於足群鷄駭散
飛入襄營火發因其亂擊之襄遂敗

高唐縣志卷之十
宋晏州夷下漏反招討使趙通計之山高林密軍不
能進通遣士丁捕獠數十頭來麻作炬燿以膏蠟縛
於獠背夜復遣士丁負繩梯登崖顛繩梯引下人人
銜枚挈獠蟻附而上及賊柵出火燃炬獠狂跳賊廬
舍皆茅竹獠竄其上火輒發賊號呼奔撲獠益驚火
益熾官軍鼓譟破柵賊擾亂不復能抗因得生擒卜
漏

火杏

磨杏子中空以艾寔之繫脚足上加火薄暮放飛入

城壘中棲宿其積聚廬舍須臾火發謂之火杏

太伯 虞仲 季歷

王伯厚曰古公有長子曰太伯次曰虞仲大姜生季
歷左傳正義曰如史記之文似王季與太伯別母遷
言䟽繆太伯虞仲辟季歷適荆蠻若有適庶不須相
辟知其皆同母也

琴

傅玄琴賦齊桓曰號鐘楚莊曰繞梁相如曰焦尾伯
喈曰綠綺宋書樂志曰世云焦尾伯喈琴以傅氏言

之非伯嗜也今按蔡邕傳注引琴賦序相如綠綺蔡邕焦尾宋志恐誤

寤生

莊公寤生風俗通云俗說兒墮地未能開目視者謂之寤生

駿狼 牛首

淮南子曰冬至駿狼之山夏至牛首之山注駿狼南極之山牛首北極之山○郭璞客傲駿狼之長暉玄陸之短景

孩

孩音孩飲食至咽曰孩莊子孩溺於馬氣

侏孫

玄孫之子為侏孫侏音來通作來

檠

檠亡質切香木也取香皆當豫斫之乃香出

崩

崩音崩穆天子傳云西征至崩郭璞云國名也前漢書有崩成侯一字

嘔

嘔糊音含糊選見文

嘔

嘔音服嘔篋盛努也見張安世傳

小歲

臘明日更新謂之小歲進酒於尊長修賀君師見月

令晉張亮云秦漢以來皆有賀

醜

以血塗面曰醜以血塗地曰醜俱莫音切

乳酒

孝經緯曰酒者乳也梁張率對酒詩如花良可貴似乳更堪珍杜子美詩山城乳酒下青雲本此

碧琳腴

碧琳腴酒名見曾吉甫詩可對江瑤柱

蘆酒

杜詩黃羊飯不羶蘆酒還多醉蘆酒以蘆為筒吸而飲之今之嘔酒也又名釣藤酒酒以火成不醉不芻兩缶西東以滕吸取

零曠

楚辭露曠而莫達露音陰一作零言浮雲之蔽月以
此諛賊之害賢也露雲覆日也曠陰風也

恂愁

楚辭恂愁而自若恂愁愚也一作恂愁叶遘冠三音
下音茂

觥 竽

楚辭鳴觥吹竽觥一作篪並音池以竹為之長尺四
寸圍二寸一孔上出橫吹之

媿娃

反騷資媿娃之珍鬘兮鬘九戎而索賴孟康曰媿閭
媿也娃吳娃也鬘髮也九戎被髮鬘雖珍好無所用
也師古曰媿娃皆美女也言屈原以高行仕楚亦猶
責美女之鬘鬘於九戎而其其利必不得也媿子踰
反娃烏佳反

滾

滾北方水名也戶平切北水多藏地中故从象

滾 洪 湏 灘

高唐賦乘雲登覽載遺書卷之十一 二十三

詩曰鳧鷖在梁祖紅切小水入大水曰梁小入大衆可知也洪澤水也水共斂必大故以共周書獨夫受洪澤惟作威猷降水不遵道曰澤水之害也作大者非洪戶工切○涪食已而復吐之從水君聲爾雅曰太歲在申曰涪灘他昆切

涂塗

涂同都切水出益州牧靡南山西北入澠从水余聲與道塗之塗亦相通爾雅十二月為涂又涂涂露厚貌

擗柳

南方有擗柳以葉塗肌則青赤如毆傷者剝其皮橫置膚上以火熨之則如棒傷水洗不下但毆傷者血聚則硬偽者不硬耳李南公嘗以此辨毆傷真偽

土牛

土牛之法以歲之幹色為首支色為身納音色為腹以立春日幹色為角耳尾支色為脰納音色為蹄景祐元年以土牛經四篇頒行天下丁度為序

黃石

黃石公記云黃石鎮星之精也黃者鎮星色也石者星質也東坡以圮上老人為隱君子

鬲辜

周禮大宗伯以鬲辜祭四方百物注鬲而磔之謂磔及蜡祭也鬲音璧以牲膏肆而磔之也

御事

國語百官御事賈逵注曰御治也

鼎禪杓

禮儀尊疏布鼎禪杓音密覆食中也禪音善有文

白木

鵬鳳

說文朋及鵬字皆古文鳳字宋玉曰鳥有鳳而魚有朋莊子音義崔譔云鵬音鳳

崔君苗

陸機傳云弟雲嘗與書曰君苗見兄文輒欲焚筆硯君苗未知姓氏攷之雲集有與平原書云前登城門意有懷作登臺賦極未能成而崔君苗作之聯復成前意始知其崔君苗也

礮

春秋鄭公子礮字子石乎加切厲石也○礮石碎也

昔過切

闕碧

春秋傳曰闕碧之甲璽居練切水邊之石也

礮石 礮

神農經蒼礮石一名鼠毒礮毒石也羊石切○礮石

聲訓角胡角切

高唐照乘堂與識隨筆卷之十終

高唐照乘堂與識隨筆卷之十終

